



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四七六

船山詩草二十卷 船山詩草補遺六卷 張問陶撰

一

淵雲墨妙山房詩鈔二卷 伍秉鏞撰

三三三

覺生詩鈔十卷 覺生詠物詩鈔四卷 覺生詠史詩鈔三卷

覺生感舊詩鈔二卷 鮑桂星撰

三四一

覺生詩續鈔四卷 附年譜一卷 鮑桂星撰

五一五

鮑覺生先生未刻詩一卷 鮑桂星撰

六〇三

覺生進奉文鈔一卷 鮑桂星撰

六一一

吾吾廬草存五卷 袁名曜撰

六三五

嘉慶乙亥年鐫

船山詩草

翻刻必究

船山詩草序

爾來作者彫文織采終朝點綴文章殆同書抄體裁綺密便稱才子但自然英旨罕值其人張公名家子有殊才仗氣愛奇自致遠大人實貧羸而文采高麗推其文體不避危仄皆由直尋善自發詩端感蕩心靈動無虛散因物喻志懷寄不淺甚有悲涼之句又巧構形似之言無雕蟲之功而韻入歌唱是衆作之有滋味者也至于吟詠性情羌無故實言在耳目之內寓目輒書使人忘其鄙近然奇章秀句良有鑿裁得景陽之諷詭含茂先之靡漫雖復千篇猶一體耳

船山詩草序

嘗謂余曰我詩有生氣譬應變將略詎出經史縱有乖文體亦能自迥出余謂文製理過乎辭精而難曉此意銳而才弱也動輒用事拘攣補衲傷其真美有燕漫之累矣所以詩不得奇殆均博奕夫屬詞比事但令清濁通流而鮮明緊健斯爲足矣陳思贈弟阮藉咏懷謝客山泉王微風月李膺黃華之唱陶公咏貧之製亦何以加焉噤今所錄如流風迴雪似落花依草一句一字賞心流亮每觀其文幽居靡悶欣欣不倦請寄知者爾

乾隆壬子花朝集鍾嶸詩品序遂寧靈泉寺僧道嶸

船山詩草目錄

自十五歲乾隆戊戌年治至四十歲嘉慶癸亥年止
共二十六年得詩三千五百五十二首刪有一千七
百四十六首分爲十五卷其甲子四十以後詩另卷
附後觀存者之有不必存知刪者之有不應刪矣慨
心之事難哉嘉慶戊辰冬日船山記時年四十有五

卷一 樂府

卷二 戊丁集 戊戌至丁未

卷三 戊巳集 戊申巳酉

卷四 出山小草 巳酉庚戌

船山詩草目錄

卷五 松筠集 庚戌辛亥

卷六 乞假還山集 辛亥

卷七 乞假還山集 辛亥壬子

卷八 扁舟集 壬子癸丑

卷九 羸車集 癸丑

卷十 京朝集 癸丑

卷十一 京朝集 甲寅

卷十二 京朝集 乙卯

卷十三 京朝集 丙辰丁巳

卷十四 奇零集 丁巳至巳未

卷十五 巳庚集 巳未庚申

卷十六 辛癸集 辛酉至癸亥

卷十七 依竹堂集 甲子至庚午

卷十八 出守東萊集 庚午至壬申

卷十九 藥庵退守集上 壬申

卷二十 藥庵退守集下 癸酉

船山詩草目錄

船山詩草卷一

翰林院檢討臣張問陶 恭撰

樂府

嘉慶元年丙辰元旦

太上皇帝紀元周甲授受禮成恭紀樂府十四章序

臣問陶

拜首稽首言欽惟我

太上皇帝體

大歸絜大矩乾乾翼翼至于萬年無斁初元告

天不敢上同

仁祖紀年勤政歸政願以六十年為期

船山詩草卷一

帝用介祉符願遂初迺以丙辰元旦

授位

皇帝百禮舉

天人治清宙職耶萬靈告神民氣和樂盛哉斯世臣

考禪讓俶落于五龍宏邈不可詳識自有熊

氏甲子迄于今甲四千四百九十有二年其

閒如姚姁姁三統迭承雖天下為公非繼序

之正夏后不降與位于后局與弟而非與子

唐宋之朝事非得已尤無足道若我

太上皇帝詩下

天于六十年之前康強逢吉十全大備從容具臣言

祥盛事生民未存且承

家法不預建儲位癸巳緘

名通誠

青瑣默禱于盛京

珠阜

天

祖俞其得人篤恩篤祐威垂庇佑以至今日

皇帝率親王大臣蒙古王公滿海臣民上言請待

聖壽期願再膺付託

船山詩草卷一

太上皇帝未允

皇帝迺請于宮中用六十一年時憲書戶部工部

至于外省以迄回疆皆並鑄乾隆嘉慶寶交

以示宮中寰中億萬萬年同奉

一尊長膺

顯卷

太上皇帝既允

皇帝所請加勞勗勤不敢康若

帝之初

歸政訓政協祉錫臣有涯浼臣備員詞館恭觀

大聖人建中和之極神運萬幾臻于極盛悅耳飫心

口不能宣惟念臣生西川遠方自臣高祖臣

某備位大學士以迄臣曾祖祖父仰受

恩遇已及五世臣又以菲材珥筆 禁近每於

太上皇帝聽政御門之臣覲

天子之光不敢無所稱述以導揚盛美而願鄙漢人

為樂府歌辭寶鼎芝房侈陳祥瑞天馬誇張

神異明堂辟雍事本典則又畧而未備亦其

時無大功德不兄舉其詞也臣謹奉

太上皇帝不言瑞物不受尊號之盛意為樂府十四

船山詩草卷一

三

章據實數美以六十年之醇懿鴻龐純嘏曼

壽具于篇

太上皇帝初元告天六紀傳位行健貺符

聖壽彌康作元運符第一

元運符吳貺臻壽躋而龍飛辰吉曜環璣重輪瑞延

喜融祥氣煦宙合春臺春 乾清宮 皇極

殿天中天旦復旦邁堯勲勤弗倦右第一章

太上皇帝明德馨 帝三大祀必躬萬祀若初日朝

月夕秋釐春節作奏天儀第二

奏天儀躬對越德馨久與天一維天壽

帝全界所覆甘和歲年光華宇宙百神迪嘗中祀周

泰元富媪咸丕麻堯舜觀河五老游

聖躬福備天錫右第二章

太上皇帝顯融

祖烈昧且環誦實錄四謁 山陵篤祐惇宗五代一

堂天潢派衍得十一世作太孝備第三

大孝備功續

祐兼守初綜文武

皇集成德揚謨宣駿烈恢厥宇精誠孚神皋兩庭燎

晰晰月出光五朝寶錄陳煜煌訓謨環誦夜

船山詩草卷一

四

未央溯洪源培慶系黃祚繩承十一世 乾

清宴 惇敘宴敘功錫爵需雲徧四星明正

成綺交慶雲葉葉濡霽仁右第三章

太上皇帝綜理庶政耄勤加勞惟日夜孜六十載如

一日作所無逸第四

帝所無逸道符乾行聽政批章於穆惟純春和講筵

秋肅行旂疆吏時觀樞臣日宣壽衍九秋心

周八埏離九渟西陬絃大順亶厚亶聰天恒

聖敬右第四章

太上皇帝子惠元元雨賜念微矜慎庶獄覃澤賜祉

三免漕糧五免正供一免積欠偏隅水旱

貸無算作民懷愉第五

民懷愉恩洋溢綏度豐甘霖必祥刑神白雲

霽普蠲累詔史所無增增渌澤融醴酬德星

昭庭象載瑜仁暢惠渥歌康衢羣生軒抃

皇樂胥右第五章

太上皇帝幾餘吟詠皆切于用人行政愛民育物之

實文三集詩五集聖學淵渟日新富有作

雲章倬第六

雲章倬筆造化彌德闢彌清暇涵萬存身敷極經緯

船山詩草卷一

五

聖謨襲六爲七丹霞麗天義鴻藻密緝熙單

心臚實政萬紀萬編開治鏡書契以來惟一

聖右第六章

太上皇帝釐定禮器考正樂譜補建園水肇舉常雲

制作復五三之舊作典商皇第七

典商皇述倬作雩升香辟雍樂彝器陳鑿儀

恪臨江鐘和闐磬宮羽調詩樂正回部舞商

部舞西藏舞中和韶樂超千古燕翼雲仍報

天

右第七章

太上皇帝典重時巡行慶施惠吳越齊魯臺懷津滄

清蹕所臨無非事者作迎鑾舞第八

迎鑾舞臚歡普祥煙齊嵩高瑞鶴涵綏輶環

河際海陽和煦臺麗慈雲岱宗雨

翠華來醴施惠

翠華施恩膏沛敷天喁喁望右第八章

翠華衢歌巷祝靡津涯

太上皇帝慶榜八啓五經並訖化雨洋溢耆英昇秋

鴻詞試于元載三大禮賦獻于行在四庫

七閣睿定睿要觀文化成以惠萬世作奎

船山詩草卷一

六

躋明第九

煌煌奎躋明南面開書城羣言會歸極味腴

怡皇情文昭七閣光九濠人人拭目遊鄉

嫺鳳羽麟士林吉勝維慶衍者膺恩錫博采

文賦大裘鴻筆五經紛綸

君作師廻鵠達路

皇之儀與天無極承蕃釐右第九章

太上皇帝睿謨獨斷所向克捷十功膚奏拓地三萬

里陳窳向風王會萬國土爾扈特來歸英咭

喇荷蘭諸國從古罕通中夏羽毛玉帛並集

文間作大武揚第十

大武揚

帝信天算百勝功十全封汗王觀伊柳恩威濟疆無

邊疆無邊南朔同西漢西東流東金葉表貝

葉經雞翎花帽胥來庭九譯通通荒裔呢噠

噠英咭喇航海同朝

大皇帝右第十章

太上皇帝龍飛六十年乙卯九月初三日將以孟冬

頒朔冊立皇儲慶節錫壽南郊告天前星

定位作貞萬邦第十一

船山詩草卷一

七

貞萬邦延重光恢鳳紀開青陽錫壽祀崇元

良泰壇薦帝馨瑤閣星輝海潤蕃家祥毓慶

繼德重離明函蒙禮福鴻以昌篤收純祐偕

無疆右第十一章

太上皇帝預却尊號玉寶玉冊特剏盛軌作泰元尊

第十二

維泰元尊蕩蕩維名駿宣鴻烈肇却微稱篆

寶鐫冊聖作天册福衍十全壽隆

太上垂萬世法奉天下義撓甲廻環億齡承貽右第

章

丙辰元正大廷授寶恩詔普頒懋與參天

地誠從古史冊所未有作璧鴻儀第十三

肇鴻儀元日詔傳心傳于大圓溥博勲華一

家輝煌離照

聖壽康強親授璽黃雲縹縹殿中起

皇天

烈祖其有喜暢垓洲埏恩一體上儀肇定熙事成曠

隆往牒維

聖壽右第十三章

太上皇帝法

船山詩草卷一

八

祖養老上春之吉御皇極殿再舉千叟宴欽福錫福

億年無疆作京垓壽第十四

京垓壽欽福錫吉神瑞人成聚神揚揚酌泰

尊眺瑤瑤維帝冲齡侍

仁皇今子

天子進萬壽觴自王公卿士四民屬國各各依龍

光日耆曰父胥兒孫輩行春祺布愷溥第康

貞元符命萬紀膺天慶右第十四章

船山詩草卷一

船山詩草卷二

遂寧 張問陶 仲治

戊丁集

戊戌

壯志

三十立功名四十退山谷不見兩鬢霜英雄死亦是
嗟少年子如彼玉在璞光氣未騰天魍魎抱之哭
人生不得志天地皆拳曲慷慨對中原流年何太促
落拓大布衣許身非錄職四十四萬言隱軫匡時略
爲天子大臣上書繼臣効

船山詩草卷二

漢陽

揖讓羣峰勢客予一壑謀有身從海角無夢望刀頭
貧賤悲生事山川接壯遊英雄留戰地沙樹落殘秋

己亥

寓目

寓目滄江上天光屬曉晴草根春露濕雲際塞鴻驚
竹亂若無路松高時有聲微風起蘋末遙辨鄂王城

庚子

梅

凍禽竭翅飛模糊見人影林寒夜開未一院古苔冷

望遠山

雲氣東四山山勢各嶄絕獅象爭向背巨靈手親裂
巖崖不可窺中有秦漢雪

辛丑

漢上暮春

魚苗初出水十里浪花圓客有登樓賦家無負郭田
雨來迎社日春到浴蠶天信美非吾土岷峩落照邊
喜李半亭舅氏自滇南來漢上

萬嶺危南詔千江隘益州帆檣天上過沙水劫前流
蜀鳥多啼雪蠻花不感秋弓衣人競織新詠遍荒陬

船山詩草卷二

雜感

已過三年別真從萬里歸難見華髮辛苦問征衣
馬足風雲壯蠻江日月飛更闌頻問訊欵欵話庭闈

識得劉郎才氣無長年側目看江湖未應入世馴龍
性也復論交到狗屠落日彎弧金箭瘦牢愁呼飲酒
錢羅布衣不合飢寒死一寸雄心敵萬夫
笛聲吹鶴下西樓門外寒江萬古流讀賦偶來尋楚
澤買田時擬住常州家無擔石如劉毅人許功名似
馬周極目塵寰幾知已中原落日一回頭

壬寅

馬周極目塵寰幾知已中原落日一回頭

壬寅

壬寅

早春遊西陽舟發漢上口占

客裏重爲客。錢來百事非。一舟如許大。三匝竟何依。
欲死悲愛衆。無才負布衣。春歸吾愧汝。清遠背人飛。

新堤舟夜

六詔親庭遠。三巴歸路長。全家寄江漢。獨客近瀟湘。
天與無根蒂。人誰足稻粱。牢愁爭萬古。慷慨意難忘。

臨江歎

駭浪蹴日迴。驚濤激雲上。我舟一葉輕。勢與水天抗。
回頭閭閻生。遙慨目中久。已無瀛海瀛海遙。環九九
州蒼茫宇。宙皆浮漚。我似太倉一稊米。無衣無食後。

船山詩草卷二

南紀嗚呼古來烈士多苦心。夜深一誦猛虎行。

畢展未

懷圖先生招陪秦帖齋朝野王奉齋

廷璋

兩先生登大別山拂雲樓分韻得雲字

鷺鷥並高峙。短翼不及羣。一樽山水外。猶足張吾軍。
是時赤日流酷暑。方如焚人聲集下界。擾擾鳴飢蟪。
誰知樓上客。高極清無聞。題詩招天風。拂紙飛晴雲。
醉磨墨一斗。禿此中書君。惜哉河朔飲。長空日易曛。
抱情各有適。天闊江沅沅。

漢陽谷舍題壁

翦紙難招久客魂。此身飄泊任乾坤。江湘風雨秦南

邵申息雲山楚北門一樹枯槐憐庾信十年秋柳泣
桓溫故人小別今如雨。零落春衣舊酒痕。

驟雨

奇雲挾雨至。迫以千里風。乾坤白浩浩。萬馬鳴空中。
我居眞湫隘。譬彼效與龍。陰氣動破壁。霹靂青濛濛。
自傾一壺酒。魂魄難銷鎔。夢中窺海日。意氣始得雄。

羈旅行

男兒生不識鄉里。南船北馬伊胡底。長劍銷磨四海
塵。萍蓬不得誇孤矢。吾聞馬周落拓新豐市。誰爲爲
肩悲失翅。殘屈能伸指。願聞英雄不下窮途淚。麗肩

船山詩草卷二

書客在泥滓。一心欲逐枯蘭死。十載哦詩壯志消。中

原對酒雄心起

檣櫓

曾向中原策馬來。蒼茫舟楫入荆臺。湘南春水思騷
客。潁上秋風憶霸才。四海無家長作客。百年如夢且
銜杯。亦知天地容檣櫓。敢說空山老大材。

卽事

歲云秋矣天氣清。四山山木皆秋聲。碧湖千腕蟹奴
聚黃葉。牛林蟬子鳴煙波。蒼蒼水風急。雷雨黯黯溪
雲生。忽過雞摩散花室。老僧扶病相逢迎。

城北一帶田家

鷹鷂呼長雲魚龍逼頽岸江流闊萬里波勢來天半
山根鬼工鑿千古石凌亂何代鋤爲田扶犁滿南澗
杉皮小屋子四壁垂蘿蔓朝耕課妻子夜飲逢親串
骨肉聚鄉井亦可忘貧賤生死南山坡安知離別幼

詩發乎情情觸于遇哀樂殊致此與生焉蟋

蟀在堂魏風有歲暮之歎燕燕于飛邠風有

差池之泣而且申旦不寐哀彼宵征翩其懷

歸木葉黃落其人莫不有如泣如訴之情抑

鬱于中而無端以自見故一旦觸于所遇形

船山詩草卷二

五

諸吟咏遂不覺其宛轉附物悵悵而切情焉

矧余客子畏人飢寒飄泊傷離送遠之情較

詩人所遇殆有過者當夫秋風乍起庭樹萎

然絡緯夜啼頃煩下上淒戾之音顛顛可憐

之狀神飛色動慨然有感于身世之間雖欲

尋至樂于南華譜無愁于北府豈可得哉爰

託于比興之義作蟋蟀吟秋燕飛二篇非敢

附風人之末而謂詩或可以窮工不過拾九

辨之遺以見悲易生于秋土爾

蟋蟀吟

船山詩草

蟋蟀吟聲斷續咽咽不勝啼清商動林木鳴雞驚作

琵琶絃鐵撥夜彈水靈曲有客沾羅衣熱淚忽盈掬

渾沌鑿死三萬劫人間何物能無愁英雄失路吞聲

哭烈士途窮悲擊筑詩三百篇大抵賢人發憤之所

爲千古窮愁同一致後啼與前泣不待相摹追爾豈

感于死生離別之不容已迎霜號月鳴聲悲一聽感

孤吟再聽若爲厲呼倚復嘯侶中夜萬羽戛戛鳴素

女破瑟之絃二十五一絃一柱皆商聲胡笳乍拍千

人怒楚歌四起一軍驚何不學爲鸞笙鳳吹悅人耳

無乃造物賦爾偏多情蟋蟀吟重唧唧曉露深草根

船山詩草卷二

六

濕如驅萬馬長城海黑天高秋氣淒爾胡多不平豈

獨放臣逐子棄妻怨友耿耿不能寐我亦聽此心悸

惻明星熒熒大如月欲眠未眠聲轉烈一燈欲死東

方白

秋燕飛

秋燕飛香易銷歇春去不如歸客巢非故壘主人

焉可依何不呼羣聚海國且待明年春草肥胡爲乎

四郊衰黃鷹隼擊飄飄在萬里猶著舊鳥衣風塵惟

悴空爾爲忠臣義士一旦出身計君父慷慨驅車不

復顧不則故家零落先疇燕沒難爲耕欲歸歸不得

江湖浩蕩隨蓬萍，爾豈茫茫身世迎。綠江磔磔徒自鳴，避伯勞侶凍雀平原燕。夢紛紛落暮雨，歸迷翡翠樓。濃春夢斷，棲鴛鴦不見山。邱華屋變桑田，舊時王謝無青樓。羈人遊子那忍見，空堂秋草合落日。復誰憐霜歛，曉風沙烏啼，餓鴉欲去天無涯。含淒繞枯樹，桃李何時花。吁嗟乎，瀟湘水闊蛟龍惡，燕兮此肉將安託。客子悲秋慘不樂，月明況有南飛鵲。

寒夜吟

月色墮煙秋，不曉勾欄月啼姑。老秦箏絃柱十三行，鉤蟬金雁彈伊涼。一夜凍痕生綠井，窺簾漠漠花

船山詩草卷二

七

枝冷

神駒篇

良馬期千里，不辨驥與驂。卓犖武皇帝，高識薄九霄。八駿絕蹄跡，六閑久寂寥。神駒西北來，振鬣風雲驕。許身龍虎匹，磊落不可招。心懷周王駕，目無汴水濤。長鳴立大野，落日聲蕭蕭。五花散雲錦，拳曲如麟毛。高蹄未經鑿，氣奪千人豪。居然自矜寵，安用九方皋。飾以百寶絡，綴以黃金鑣。珠纓壓腦重，連錢帖春飄。持之獻天子，未擬漢蒲梢。

擊筑吟

久隱畏約無窮時，堂上擊筑將何之。君不見秦人合，馬尚能報何況平生國士知。眼大心雄轉飄泊，驚鳥羣中悲一鶚。餓死居然好布衣，乾坤不悔填溝壑。雄飛雌伏總平平，浮世何須識姓名。寄語窮愁孟東野，新詩休作不平鳴。

居無門

居無門，頓覺神骨清。兩眼劃然明，九垓爲室入荒爲。庭曠目直欲空，寰瀛獨游太古世。欲存外戶不閉之，高情橫逆之來不必擾。擾人適以擾吾寧，魯勾踐原非人。君不見齊慶卿。

船山詩草卷二

八

由曉巢移居竹尾小樓

築樓不居人，樓成已棄擲。逆彼郢匠心，聊取蔽庭隙。上下數十年，積塵高一尺。如英雄失路，慘澹無顏色。卓陋在一隅，牽曲乾坤窄。空椽噓狐鼠，雜處鬼與蜮。當窗好竹樹，翠雨收不得。豈稱高明居，宜付窮途客。我昔居雖狹，完小殊精潔。翹翹迫我去，安能戀十笏。大地無所逃，倦羽聊此集。人有阮生淚，樓絕庾公跡。撫茲悟生理，物我成其僻。竭來拔重關，忽入猷蛇窟。怪形印鶴爪，陰氣結人立。恍惚若有憑，森然豎毛髮。似非身可托，且慶俗已隔。脫帽執箕帚，祛塵小收拾。

按草羅衾凋盡之以文墨何物訝見人梁開聲咄咄
兩檐聞狸躡短檠飛蟻蠅天以昌吾詩何必呼僮僕
蒼茫十斛酒浩蕩千古月境遇本漠然壯心多所激
將往湖南秦帖齋先生以長歌贈行作此奉
荅卽以畱別

長身飢鶴毛羽修客心茫茫增百憂破釜生魚突無
火貨粟且謁監河侯買得輕航不盈尺揭牌自著飄
零客秋霜既下衆林羸一片寒煙壓江自誰擘瑤箋
贈遠行草風沙雨悵孤征文遊曾接秦淮海獨諧離
歌動別情先生浩氣吞雲夢直以衙官卑屈宋醉後

船山詩草卷二

九

掉毫墨瀋流湘波嶽石爭浮動濯錦坊頭賈傅祠昔
年鴻爪亦堪思長沙九月成衣未客子秋帆欲挂時
連朝風雨重陽節醉插茱萸不忍別新詩笑謝杜陵
人八尺江湖壯行色濯足行將望八荒巴陵水驛夜
蒼蒼回頭黃鶴西樓月秋思離愁滿岳陽

望夜

小泊垂楊岸天長一水明人如舟不繫秋與月同清
柝警魚龍夜風迴草樹鳴如何沙上雁辛苦又南征
鴨蘭磯

搖落暮天迴輕橈帶白蘋葉稀秋在樹江冷月親人

船山詩草

向水孤城閉環山野燒新鴨蘭風景別漁唱滿前津
臨湘縣

短櫂發臨湘迢迢水驛長過雲灑疎雨歸雁帶殘陽
岸靜千蟬響林秋一葉黃未須愁旅泊吹角近官塘
湘陰

十年夢繞湘江綠今日扁舟湘水曲青山影裏一帆
來沙樹微凋秋不俗三十六灣斑竹林船窗落日風
森森拈毫欲問倪高士如此丹青何處尋

癸卯

春日有感

船山詩草卷二

十

萍蓬生計讓犁鋤湫隘先人有敝廬秋雨孤帆雲夢
雁春風旅食武昌魚虞翻南海無知己賈誼西京未
上書萬里白頭虛子舍晨昏天未近如何

醉後登李氏寓樓望月

落拓湖湘載酒行高樓燈火動嚴更春如短夢也無
語潮湧寒光月有聲芳樹遠迷三楚闕亂山斜抱一
川明謝郎今夜思千里歌響臨風賦未成

懷亥白兄

丈夫志功名焉能惜離別良時苦蹉跎不憚非豪傑
六月黃塵匝地飛騎驢遠作燕山客憔悴烏衣百不

如少年惟讀等身書神馳所向無空闕且上金臺平
望諒我獨胡爲羈水國不鳴不躍生涯拙壯年銷損
在窮途家事如毛那可說南詔歸帆望白頭長安飛
札待高秋移家近日臨江住田田對江山無盡處

月夜感懷立秋前一日

夏木層陰繞舍涼夜深微月映虛堂無窮吟興因秋
起有限才華爲酒狂家在夢中蹤跡幻人如天外別
離長貧來不可爲生死綠鬢臨風暗自傷

題黃州陳春亭漢上寓園

故人高咏處天地繞孤樓落葉半山雨涼蟬滿樹秋
船山詩草卷二 王太明

萍蹤悲漢水鶴影夢黃州我亦窮愁客生涯付白鷗

題彭田橋詩後蕙支

世間裘馬皆年少潦倒如予更有卿謬算竟思投筆
去狂謀忽欲藉詩鳴直從商羽彈孤調豈信離騷是
變聲妙句怪多湖海氣相看原未擬儒生

江上

雨止日沈西寒煙壓水齊秋連平楚闊天八大江低
帆遠衝雲出蟬悲隱樹啼草堂容笑傲人擬浣花溪

郊居

清溪荷葉過人頭人倚高寒水上樓紅樹倒吹三日

兩黃花補種一籬秋蠻奴飛鞚學盤馬老嫗隔林呼
飯牛坐看兒童皆楚語幾如賈島客并州

娑羅木

雲南四時如春地煖氣厚藤生深山大壑中
一草耳歷百年不朽大盈拱把形如龍質黃
紋黑纍纍如鱗甲者然土人呼曰娑羅木實
非娑羅樹也

老龍入山山氣王鼓腹欲飛鱗甲壯儲英廣莫幾千
春一莖草現丈六身楞櫟輪困松柏固大材難用皆
天數風雨聲從地下來尋常匠石空回顧君不見神

船山詩草卷二

州草木蔚靈秀託根不及繼荒壽

寄人

幽人月下來衣上秋蟾影一別幾春風江南花樹冷
思君春夢綠遙見江南山離心如日月縈繞何時閒
草長鶯亂飛人煙聚高柳虛堂履綦絕誰餉聽鷗酒
君家近蓬島菖蒲花紫茸與君約遊仙相期海上峰

甲辰

愁

肅霜裘薄夜寒驚遠對殘燈坐到明病鶴支風孤不
語疎梅補月兩無情頭顱安保長如昨飲食寧甘送

此生天地併功神鬼集替人一概棄愁城

春日感懷

寫意蘭枝與竹枝楚騷哀怨有微詞欲將愁去多風
雨不喜春歸易別離狂到杜陵甘作客窮如東野倒
工詩人間少壯無多日莫待秋霜染鬢絲

長時一擲已踉蹌幾卷殘書記轉訛牌裏肉生閒不
得牀頭金盡命如何情含楚雨風流苦怨寫湘簾涕
淚多知已近來無宋玉九詠深意半消磨

怪來何事寄天涯逝水流光感歲華舉世不逢孫伯
樂一生惟哭賈長沙劇憐煙月人人客祇合壺觴虛

船山詩草卷二

七

處家回首先瞻邱隴廢到今無地問桑麻

黃雲白水動蒼茫雪滿春林夜有光氣轉乾坤猶冷
淡時來花鳥各飛揚百年扶醉逢人日萬里登樓憶
故鄉熟讀離騷還痛飲風塵偏笑不狂狂

重有感

伏檻長鳴萬馬驚唾壺擊缺氣難平自甘縱酒逃風
雨不欲因人著姓名醉後春泥三徑滑夢回雪屋一
燈明拊牀忽憶劉琨語莫道荒雞是惡聲
蓬根吹斷更何之雲散風流感故知梅如不如同月
瘦泉清莫恨此山近一寒如我辭林鶴百事輸人打

劫夢欲覓南鄰諸酒伴雨疎煙澹各天涯

雪中遣興

荒雞上鄰樹啼破冰簾月殘夢五更寒虛幃一燈白
鐘聲湖寺啟人語江船發暗牖掩晨光時聞鳥啄雪

月夜懷秀水馬五

鴛湖今夜月照我草堂東却憶鴛湖客相思應復同
春風寄愁去煙水青濛濛遂有相尋夢胥山海日紅

散帙得衛誦旃先生從咸遺詩因感先生歿

後詩卷散軼略無存者慨然有作情見乎詞
神龍無全形古鶴有遺響斯文竟零落浮世吾安傲

船山詩草卷二

七

風騷豈墜地終只在天壤歲晏祭何方蒼茫付心賞
先生昔未遇才與年俱長十上所著書寒蟾如秋榜
放浪爲歌詩下筆何蕭爽軼羣不及羣萬馬空馴養
遂輕一日名時重千秋想夜夜斗牛邊其光應萬丈

俄來霹靂文一召君長往我自哭劉蕡人誰惜任助

西華尙練裘舊冊誰拔弊古今言數奇似此幾無兩
赤水遺元珠何人求象罔會羅九州鍊大鑄珊瑚網

甲辰三月由漢陽入都紀別

人生惟別苦灑淚出庭階骨肉此身遠風塵何日歸
夢難營救水情豈戀輕肥前路蒼茫極傷心問素衣

夜行

不遣征魂定東風夜放舟夢猶隨蝶化身已逐萍浮
岷岵墜行役雲山入臥遊但能營菽水何必問皇州

曉發

舟行和氣空露白晨星小高樹帶殘鐘寒煙滅飛鳥
陝田新雨足茅屋一燈曉林外桔槔聲飯牛人語早

荒洲夜泊

風急灘高夜水渾角聲吹月欲黃昏不知何處歌楊
柳年少青衫有淚痕

舟抵襄陽

船山詩草卷二

五

快槳凌流捷有神穀紋江水碧輒輒辭家心緒真如
醉賦別年華不似春峴首尙懷羊叔子魚梁空弔孟
山人夜深誰唱銅鞮曲柳葉蘼花接漢濱

光武故里

白水遺龍種春陵鬱帝基南陽新將相司隸舊威儀
大樹悲荒宅神鴉澹古祠英雄攀附地下馬拜殘碑

曉行

人語夢頻驚轅鈴動曉征飛沙沈露氣殘月帶雞聲
客路逾千里歸心折五更同憐江上宅星漢近平明

大道

大道風塵遠真能化素衣兩行春樹直一片亂沙飛
八世情無賴依人事恐違江頭舊茅屋鷗鳥自忘機

獨樹店

馬策無情趁急裝繁愁千里盡垂楊人聲漸野知家
遠歸夢難與此別長宋玉有懷仍憶楚相如多病更
遊梁縱然宛葉青山好爭似荷溪舊草堂

開封客夜感事

三月梁園澹似秋可憐零落到枚鄒莫將詞賦求知
過往日相如已倦遊

開封旅館壁間韻

船山詩草卷二

六

十年忘盡中原路弔古重來匹馬遲俠氣全銷朱亥
和戰雲不下倚闌神飄零自惜身名賤榮落難窺造
化却明日長帆渡河去更誰和我壁間詩

郭中弔謝茂秦

詞客支離豈諱窮枉將車笠託羣雄大名應恥居王
後奇骨真宜葬郭中白雪詩壇元不古朱門交道況
難終荒墳頽墮無人弔并爲憐才哭計東

彰德

振策遊河朔長楊覆古濠迴風漳水急積雪太行高
郭下才人健西園逸興豪獨憐公識日王粲亦青袍